

棲真拔濟仙懺

明善學院

又香贊

道延海會 羅蕭臺 金童玉女兩邊排

香花滿金階 賜福消災 眾聖降臨來

賜福消災 眾聖降臨來

(一)

啟壇讚

樵陽啟化 妙道傳經 玉松印合大緣因

無極度人心 頂禮師真 超劫上瑤京

靈通感應天尊 三舉

(二)

至心皈命禮

(呂祖師寶誥)

玉清內相 金闕選仙 化身為三教之師 掌法判五雷之令
黃梁夢覺 忘世上之功名 寶劍光騰 掃人間之妖怪
四生六道 有感必孚 三界十方 無求不應

黃鵠溪頭留聖跡 玉虛殿內鍊丹砂 存芝象於丹崖

顯仙蹤於玄洞 闡法門之香火 為後嗣之梯航

大聖大□ 大仁大孝 開山啟教 玄應祖師 天雷上相

靈寶真人 純陽演政 警化孚佑帝君 興行妙道天尊

(三)

棲真宣演拔濟苦海雪過修真仙懺

爾時呂祖孚佑帝君 在大羅天上 金闕雲宮 大通明殿
與諸天諸仙 恭侍玉皇上帝 欲聽法音 維時玉皇至尊
寂然靜默 安坐無為 諸天簇擁 萬聖侍階 十洲三島
一切真仙 莫不在會 默運幽玄 觀見下方求道男女
覓真無路 未曉其因 縱識懺悔 奈彼身中情慾難淨
冤業難消 眾聖惻憫 欲懇玉帝 為演大法 度脫塵迷
懷念於衷 一時未敢 於是孚佑帝君 出班俯頽

(四)

恭敬作禮 近帝座前 哀懇言曰 今日下元眾生 迷謬者多
染著貪瞋 繫念塵俗 不肯回心向道 臣屢蒙□降
龍沙顯跡 說法五陵 至今修功者多 證果者寡
皆因俗念未蠲 凡情不決 以致罪過積身 日復一日
如山如河 愈重愈深 莫能解釋 不惟不得其道
而反墮於羅網 由□累□ 盡失本原 莫得人身
祈帝垂憐愚昧 為眾宣說釋咎之方 作度迷之寶筏
為接引之指南 實大利益 莫可稱焉 玉帝聞言 不覺悲憫
憮然而歎 諸天默爾 帝亦恭思良久而言曰

(五)

今子所說人間之苦 誠堪哀痛 奈眾生不悟 惟迷世故
不肯修行 皆因夙根淺薄 自失良緣 視己身為草芥
以致喪滅本來 不知性是心主 身乃心宅 了悟心性
何有於身 三者能空 是名大道 惟是心者 有一不悟
皆為凝滯 學道之士 動云幻身無用 究歸頑空 槁滅心性
不能證真 至若凡夫在世 七情太重 六慾不清 日染日深
誰知誰覺 一朝□盡數終 自家無主 元氣化風 肉骨成土
其孽其殃 報於身後 延及子孫 誰之咎與 誰之愆與

(六)

若不開明正道 昭著訓言 則末世男女 何由超脫
欲求證道之方 當尋自家面目 認性之根 知命之本
惜精愛氣 修己存神 當煩惱之時而自持之
未淫慾之動而早制之 以至一視一聽 皆不可苟
一步一趨 皆不得輕 靜以煉真 動而符節 由此持之
久而自然 仙聖同肩 陰陽合德 精累細行 漸達神功
凡諸學道男女 求登證聖之階 先去一身之過 罪根不拔
難見光明 冤業不消 難躋妙道 一行有缺 若瑕若疵

(七)

一眚 音省、解過失 在躬 若塗若炭 □於五刑十惡 而可恣乎
凡欲學道希仙 或欲超先度祖 或釋凶厄 或解冤愆
或禳災請福 或保命延年 不問男女 當誠當敬
自斷自決 對五帝三官之前 值五臘十直之日
清靜身心 嚴潔壇宇 然燈燒香 花果供列
稱揚諸天睿號 懺悔一切罪愆 自然感動天帝神君
山嶽海瀆諸聖 一時降臨 即得消其罪目 紀錄宏功
無有失謬 志心瞻禮 人各恭敬

(八)

呂帝讚

至道修成本有恆 不生不滅見天真
六根淨盡參玄妙 五蘊俱空羨化神
說法空勞千百語 渡人普化萬億身
壇開靜把爐香爇 鸞鳳旌旗曉拂陳

禮懺白文

高公 一炷清香本自然 黃庭爐內起祥□
二手 空中結篆浮雲蓋 上聖高真護法筵
二手 注想金容 稱揚聖號

(九)

志心朝禮 每稱聖號一聲必念此一句禮一拜

帝師無上 先天混沌 鴻濛水火 生一始祖
開荒元陽上帝 孚黎無始天尊

帝師生道生天生地生人生佛生仙 自本自根 無為妙相
太初佺元鐵師元陽上帝

帝師先天混沌 開明三景 黍珠說法 無量度人
掌教萬法之祖 混元上德皇帝 至極天尊

(十)

萬天之主 玉皇大天尊 侏穹高上帝
萬雷之主 天皇上帝 萬星之主 太皇上帝
萬地之母 土皇地祇 萬民之主 蒼皇上帝
萬懿之主 元天皇后 聖父聖母 至聖天尊
大成至聖 鴻儒教主 無量洞空天帝
萬上神宵 玉清真王 長生大帝
神霄東極青華大帝 九天雷祖光明大帝
太乙救苦天尊 九天貞明大聖 雷聲普化天尊

(十一)

神霄洞淵上善崆峒伏魔應感天尊
神霄水府翠闕六波 天主帝君
九天益算司好生韓君丈人朱陵度命天尊
神霄紫微碧玉宮太乙大帝
十方太上靈寶天尊 無量度人三十二天上帝
九天自然生神上帝 十方化號救苦天尊
五方五老梵□天君 東華上相木公帝君
西陵金真神母元君 斗中高上玉皇尊帝

(十二)

斗中高上太微玉帝
北斗九皇解厄星君
東西中央三斗星君
雲天二十八宿星君
十二宮辰分野星君
普天辰斗萬象星君
五福十辰太乙星君
三宮九府拷較真仙

北斗佺微佺卿大帝
南斗六司延壽星君
斗中三台華□星君
六十甲子支干星君
當年本命元辰星君
上清十一大曜星君
三元三品三官大帝
萬法教主佺天上帝

(十三)

北極法主三聖真君
三百六十應感天尊
九天開化主宰 七曲文昌梓潼帝君
正陽立極傳道帝君
祖師天雷上相 靈寶真人 演正警化孚佑帝君 興行妙道天尊
太虛燮和 純一靈寶 正一品鄭真君
太函燮理 渾元靈寶 正一品賀真君
十方感應 衛道柳真人
鎮□感應 揮氛張真人

天樞院內二使真君
五百靈官應感天尊

(十四)

祖師領仙應供監齋大法真君
祖師靈寶經籍度眾三師真君
玉闕平章侍宸林真人
紫清養素白真人
月鼎明道一□莫音慕真人
紫陽清虛洞道朱真人
苦竹火龍二大真君
汾陽妙道薩公真君
金鼎妙化申真人
悟直紫陽張真人
全真三丰張真人
文真普濟楊真人
玄玄龍真人

(十五)

天心黃真人
九天司命東廚定福府君
本府城隍碩德尊神
本縣城隍輔德尊神
通天都府司瘟主者
下界行瘟一切之神
當方土地社令神祇
飛符傳語齋音躋、解送與奏之神
是時玉皇至尊 垂憐癡蠢 憫痛愚頑 頒下寶章瓊宇
教導眾生 回心洗過 學道修行 不忍眾生 永墮三塗
沉淪諸趣 復告呂祖真君曰 下方學道男女

(十六)

既已歸神歸身歸命 當念弟子 某自從夙世 以至今生
不無罪咎之招 難免愆尤之積 本乎意念 及於躬行
或不忠於君 不孝於親 不敬於長 不信於朋 侮慢鬼神
欺瞞天地 褻狎風雷 怨訾雨澤 裸體星辰之下
衝突雷電之中 說無神理 導人為惡 見人結仇而不與解
使人破散而以為快 閒旁助語 加人瞋怒 背後添言
使人□爭 升斗戡秤 出入不平 交易好歹 虧損不足
常思利己 不顧他人 見人貧賤歡喜 見人富貴忌妒

(十七)

居下不義不禮 為上不寬不恕 忍作殘酷 私謀計害
讒其忠良 忌其成功 暗傾正人 致誤家國 剝民脂膏
枉刑其下 鞭僕虐婢而不知恤 服牛乘馬而不知憫
損踐穀苗而不知珍 棄毀器物而不知愛 奸偽淫邪
反道悖理 聽妻妾語 違父母訓 兄弟異心 夫妻反目
暴滅五常 絕斷六親 怠棄宗祀 好樂邢神 忌日遊宴
朔望縱怒 慢聖瀆賢 輕經玩典 不信因果 誹謗出家
遇有殘廢 不生矜憐 知他窮遁 不肯寬假 見他困苦

(十八)

視若罔聞 見他疾病 不思療藥 欺逼孤寡 豪逞強梁
侵占他產 圖遂己心 乾沒他貲 使不得所
人拂意而我喜之 人號泣而我笑之 毀姻盟而間骨肉
構訟詞而寫離書 說善行惡 面是背非 嫚罵尊者
恐嚇眾民 欺罔其上 賣禍於人 弄筆舞文 橫言曲說
交遊濫與 損己德性 閒與人談 污及閨門
不贊婚姻而反破之 不行方便而反害之
拋人之骸骨而不掩 自溺其子女而不惜 傾覆胎卵
燒殺蟄蟲 肆恣射獵 諂瀆祭祀 遇人放生 便笑他癡

(十九)

遇人持齋 便說他愚 遇人功德佈施 說他無用
殺生為充口腹 飲盃不知自檢 溺色亡身 重利滅義
假借不還 執為己物 忍人急迫 不通乞與 損彼物用
絕其資取 盜彼貨寶 傷其性命 與修斬伐 以妨人墓
決水縱火 以害民居 男不仁愛 女不貞潔 輕慢公姑
違逆夫子 不惜家物 反私蓄積 不守閨規 以失婦道
不遵寡言之訓 不修純靜之容 嫉妒不仁 致絕夫後
不和妯娌 不睦伯叔 不助夫美 惟成己志

(二十)

有虧中饋而不知恥 有玷家風而不知辱 多訛多非
好遊好戲 婦無良德 難逃陰察 人作惡孽 豈無冥誅
況於殺人之命 殄人之宗 滅人之家 陷人之族

願他流落 而不自思 願他窮窘 而不自體 見人婦女
便起私心 見人財物 便思貪得 懷他忿恨 便願他死
推人墮坑 咒詛行術 毒藥害人 穢食給餒 行路遇乞
懷錢不佈 飽煖自喜 不念饑寒 伺他失便 □行指摘
乘他顛危 更加推擠 蔽塞賢路 遭弄癡愚 以美為惡
棄長取短 以己之能 形人之缺 以己之有 形人之無

(廿一)

發人之隱 攻人之非 辜人之恩 蓄人之怨 假他之資
飾作己惠 將此之孽 移為彼殃 瑣屑之事 而動引神明
闇昧之行 而妄誓天日 對三光而便溺 吾弔切堯去聲

向廚□以哭吟 移供燭以照人行 點神香以薰穢榻

依托功德 欺誑錢財 假借煉修 要求衣食 巧令以掩己過
冤誣以敗他節 不顧人之難能 而倍加其重苦

不憐人之已竭 而枯索其所資 懷才自私 不為指教
為師不明 反生高慢 負人所託 以絕人望 無澤及物

(廿二)

口惠招名 看橋梁道路之圯廢而不理

怨聖容佛像之頽毀而不修 脫落經書 踐踏文字

斷其要衢 塞其水道 不便人行 惟知自益 言語無誠
舉動無禮 存心不謹 守身不慎 足履污地 躬蹈非所
不近君子 反暱小人 設意造謔 比黨排擊 流言惑眾
左道誣民 身三口四 伐氣喪真 敗其元神 損其本性
名說修行 而心染貪癡 口念經文 而懷藏兇毒 自暴自怨
咒鬼咒神 千愆萬過 種種難名 雖曰懺言 及名天律
若犯一愆 便增一障 世人不悟 惟縱自心 不知冥冥之中

(廿三)

自有天帝使者 糾察等神 每日在人頭上 錄其善惡

定其福殃 作善之人 如種稻梁 自食自飽 作惡之輩

如栽棘茨 自困自傷 報應在天 還在於己 今念下民愚濁
導知發露首雪 懺悔道前 夙生今世 隨願消除 悉令更新
速回覺悟 於是孚佑帝君 欽遵玉旨 普化十方 今為宣演
授諸在壇弟子 願體帝慈 隨方勸化 諸善男子 及諸女人
但願修真 早斷業障 養智慧根 出煩惱徑 過去先亡
即登道岸 無地獄苦 免輪迴趣 一切有緣 同資道果

(廿四)

志心發願 願我常見慈悲主 願我常聆佉妙音
願我常綿天地根 願我常宣妙法語 願我得值聖道場
願我不生諸邪萌 願我斷除諸魔障 願彼三塗永消滅
願人不起干戈意 願人箇箇得安樂 願降洪恩賜吉祥
願賜眾生悉遂心 願慈悲 加我等 一切凡夫荷帝恩
自從懺悔諸罪過 所造惡孽化為塵 如棘盡拔栽嘉穀
如濁盡瀉復流清 如雲散去月即見 如雪化釋及消冰
心中無礙光珠瑩 三物圓圓聚我真 頂上一輪光赤日
射照萬國□乾坤 自從懺悔諸惡後 安敢從前又復生

(廿五)

亡過資此脫沉滯 見存各各保安寧

志心禮謝

無上虛皇至真三寶

呂祖棲真宣演拔濟苦海雪過修真仙懺回向

(凡經懺俱有回向 回者 回其邪心 向者 向真
實際佛經有十回向 各有淺深 次第不同)

願以懺功德 回向大慈尊 加庇我宗親 師資並眷屬
普惠諸眾生 皆成無上道

(廿六)